

Hoekom is **jy** in Afrika?

25 Oktober 2020

Vermoede: “Huis vir Jahwe”

Jesaja 66

[1] So sê Jahwe: Die hemel is my troon en die aarde die voetbank van my voete. Waar is dan die huis wat julle vir My sal bou? En waar die plek wat my rusplek sal wees?

[2] Want my hand het al hierdie dinge gemaak, en so het dit alles ontstaan, spreek Jahwe.

Maar op hierdie een sal Ek let: op hom wat arm is en verslae van gees, en wat bewe vir my woord.

(Handelinge 7:49-50)

Vermoede: “Evangelie na Afrika”

Jesaja 66

[19] En Ek sal 'n teken onder hulle doen, en vrygeraaktes uit hulle stuur na die nasies, na Tarsis [*Spanje*], Pul [*Libië*] en Lud [*Lidië*], wat die boog span [*Meseg - Kappadocië*], na Tubal [*Turkye*] en Jawan [*Ionië*], na die ver kuslande wat my tyding nie gehoor en my heerlijkheid nie gesien het nie; en hulle sal my heerlijkheid onder die nasies verkondig.

[20] En hulle sal al julle broers bring uit al die nasies as offergawe aan Jahwe, op perde en op waens en in draagstoele en op muilesels en op kamele na my heilige berg, na Jerusalem, sê Jahwe, net soos die kinders van Israel die spysoffer in 'n rein voorwerp bring na die huis van Jahwe. [21] En ook sal Ek uit hulle priesters en Leviete neem, spreek Jahwe.

[22] Want soos die nuwe hemel en die nuwe aarde wat Ek maak, voor my aangesig sal bestaan, spreek Jahwe, so sal julle nageslag en julle naam bestendig wees.

Agtergrond: beginsels

Jesaja 51

[1] Luister na My, julle wat die geregtigheid najaag, wat Jahwe soek! Aanskou die rots waaruit julle gekap is en die holte van die put waaruit julle gegrawe is. [2] Aanskou Abraham, julle vader, en Sara, wat julle gebaar het; want as eenling het Ek hom geroep en hom geseën en hom vermenigvuldig.

[3] Want Jahwe vertroos Sion; Hy vertroos al sy puinhope en maak sy woestyn soos Eden en sy wildernis soos die tuin van Jahwe; vreugde en blydschap sal daarin gevind word, danksegging en die klank van liedere.

...

[6] Slaan julle oë op na die hemel en aanskou die aarde daaronder; want die hemel sal soos rook verdwyn en die aarde soos 'n kleed verslyt en sy bewoners soos muskiete sterwe; maar my heil sal vir ewig bestaan en my geregtigheid nie verbreek word nie.

[7] Luister na My, julle wat die geregtigheid ken, volk in wie se hart my wet is! Wees nie bevrees vir die smaad van mense en skrik nie vir hulle skimptaal nie;

Agtergrond: beginsels

Jesaja 51

[12] Ek is dit wat julle troos! Wie is jy, dat jy bevrees is vir die mens wat moet sterwe, en vir die mensekind wat oorgegee word soos gras? -- [13] dat jy vergeet Jahwe wat jou gemaak het, wat die hemel uitgesprei en die aarde gegrond het; dat jy gedurigdeur die hele dag bewe vir die grimmigheid van die verdrukker as hy dit daarop toelê om te verwoes? Waar is dan die grimmigheid van die verdrukker?

[14] Die in boeie gekromde word gou losgelaat en sal nie sterwend in die kuil neerdaal nie, en sy brood sal nie ontbreek nie.

[15] Maar Ek is Jahwe jou God wat die see in beroering bring, sodat sy golwe bruis; Jahwe van die leërskaar is sy Naam! [16] En Ek het my woorde in jou mond gelê en in die skaduwee van my hand jou verberg; om die hemel te plant en die aarde te grond en aan Sion te sê: My volk is jy!

Voorbeeld: na Afrika gestuur

Handelinge 7

[9] En die aartsvaders was jaloers op Josef en het hom verkoop na Egipte toe; maar God was met hom [10] en het hom uit al sy verdrukkinge verlos en hom guns en wysheid geskenk voor Farao, die koning van Egipte; en dié het hom goewerneur gemaak oor Egipte en oor sy hele huis.

[11] En 'n hongersnood en groot benoudheid het oor die hele Egipteland en Kanaän gekom, en ons vaders kon geen voedsel kry nie. [12] En toe Jakob hoor dat daar koring in Egipte was, het hy ons vaders die eerste keer uitgestuur. [13] En die tweede keer is Josef deur sy broers herken, en die afkoms van Josef het aan Farao bekend geword. [14] Toe het Josef gestuur en sy vader Jakob laat roep en sy hele familie, vyf en sewentig siele.

Voorbeeld: na Afrika gestuur

Psalm 105 [16] En Hy het 'n hongersnood oor die land geroep: elke staf van brood het Hy verbreek. [17] Hy het 'n man voor hulle uit gestuur: Josef is as slaaf verkoop. [18] Hulle het sy voete in boeie geknel, hy self het in die ysters gekom, [19] tot op die tyd dat sy woord uitgekom het, die woord van Jahwe hom beproef verklaar het.

Genesis 45 [4] Verder sê Josef vir sy broers: Kom tog nader na my. En toe hulle nader kom, sê hy: Ek is julle broer Josef vir wie julle na Egipte verkoop het. [5] Maar wees nou nie bedroef nie, en laat daar geen ontstemming by julle wees dat julle my hierheen verkoop het nie. Want om lewens te behou, het God my voor julle uit gestuur.

[6] Want daar was nou twee jaar hongersnood in die land, en daar is nog vyf jaar waarin nie geploeg of geoes sal word nie. [7] Maar God het my voor julle uit gestuur om vir julle 'n oorblyfsel op die aarde te verseker en om julle in die lewe te hou tot 'n groot verlossing.

[8] Julle het my dan nou nie hierheen gestuur nie, maar God; en Hy het my 'n raadsman van Farao gemaak en 'n gebieder oor sy hele huis en 'n regeerder in die hele Egipteland.